

十、艺文集锦

宋·向公敏中答寇准七绝一首

九万鹏霄振翼时，与君同折月中枝。
细思淳化持衡者，得到于今更有谁。

向子諲词六首

（一）秦楼月

芳菲歇，故园目断伤心切。
伤心切，无边烟水，无穷山色。
可堪更近乾龙节，眼中泪尽空啼血。
空啼血，子规声外，晓风残月。

（二）鹧鸪天

说著分飞百种猜，泥人细数几时回。
风流可惯曾孤冷，怀抱如何得好开。
垂玉箸，下香阶，凭肩小语更兜鞋。
再三莫遣归期误，第一频教入梦来。

(三) 生查子

近似月当怀，远似花藏雾。
好是月明时，同醉花深处。
看花不自持，对月空相顾。
愿学月频圆，莫作花飞去。

(四) 生查子 赠陈宋邻

娟娟月入眉，整整云归鬓。
镜里弄妆迟，帘外花移影。
斜窥秋水长，软语春莺近。
无计奈情何，只有相思分。

(五) 阮郎归 绍兴乙卯大雪行鄱阳道中

江南江北雪漫漫，遥知易水寒。
彤云深处望三关，断肠山又山。
天可老，海能翻，消除此恨难。
频闻遣使问平安，风时鸾辂还？

(六) 如梦令

午夜凉生翠幔。帘外行云缭乱。
可恨白蘋风，欲雨又还吹散。
断肠，断肠。楚梦凉残一半。

清·向公重权咏湖源山五言长诗

翠嶂湖源岭，峨峨逼霄汉。雄踞楚江南，八百以为岸。
掩映太虚清，渺渺混天半。脉气贯螺峰，山川皆喝断。
九姑曾往来，道士居华观。苍莽接湖光，烟云浮彩幔。
天岳列翠屏，君山浮玉案。龙井水溅溅，恍惚云纠缠。
废舟频出没，鼓怒阴风散。有时井水扬，沸灸如投炭。
遥望洞庭波，隐隐添浩漫。神怪本杳冥，令我发长叹。
不必搜幽奇，动静宜参看。造化赋以形，云山两相判。

向公曾贤诗三首

(一) 幕阜山

高高不可量，突兀青云端。
昔有葛仙子，愿结山灵欢。
仙去山亦寂，白昼生余寒。
谁与开晦蒙，举头起长叹。
丹崖化丹穴，千仞翔鸣鸾。

（二）昌江竹枝词

叠叠重重山复山，人家终日倚柴关。
小溪流水春云碓，又架筒车共一湾。
山棱逶迤复几家，长挽木柄是生涯。
和羹细糝红薯粉，炊稻新匀紫蕨芽。
澄江一线仅通舟，滩石礧确枕急流。
十月沿溪红树里，鸬鹚晒翅石潭秋。
石田风竹曲盘纡，晴日冥冥云雾俱。
谁上悬岩最高处，采来石耳胜蘑菇。
新绵细葛水晶瓜，社火犹思斗细茶。
断续茶歌山屿里，深深烟霭隔幽花。

（三）石碧潭

西风斜日吼鲸钟，惊起人间欲卧龙。
水月盈虚中自主，湖山开拓久谁封？
秋空天放横江鹤，崖裂寒凄泣露蛩。
南下洞庭流派合，洪涛鼓枻更奇踪。

向公阮贤诗五首

(一) 湖源山

湖源郁嵯峨，岿巍插青汉。雄撑古罗西，势薄洞庭岸。
脉络通包山，湖光渺天半。如乘天马来，渴奔长江断。
又如饮涧虹，睨目恣壮观，回望天岳峰，云间张锦幔。
仙女自徘徊，烟鬟倚青案。上有古名蓝，天花坠纷纭。
钟声闯阖间，天风自吹散。龙井凿四旁，劫灰聚如炭。
废舟断缆浮，此事殊汗漫。谪迹世所传，志怪古所叹。
我来陟其巅，匪所探奇看。思彼造化工，流峙原各半。
明为此一拳，气与重湖贯。搔首欲向天，天高不可玩。
何当乘清风，一举凌云汉。

(二) 题节妇李潘氏

昔励冰操十七年，贞心一片索谁怜。
井边莫遂重泉愿，石上难期再世缘。
海燕梁空春寂寂，玉楼人远恨绵绵。
濡毫强附新安咏，为吊孤魂意黯然。

(三) 五角山

层峦原不是牛山，一一昂头霄汉间。
玉笋排空撑犊角，金乌退舍指蜗蛮。
争雄五岭图堪绘，斗胜千峰势莫攀。
我欲挂书云外读，秦鞭挥去即天关。

(四) 昌字水

江流灵共洛书传，激石成形出自然。
圭角磨礲双璧合，方圆周折两珠联。
源饶活水汪千顷，势挽颓波障百川。
岂为古罗新邑号，欲昌文运焕南天。

(五) 石田

洞天深处种香粳，白石磷磷划不平。
一任人间沧海遍，年年野老带云耕。

向公绍湘（训导）诗二首

（一）过钟洞寓故刺史童端林旧馆。

习习芸香馆，墙阴绿未删。我来捞下榻，净为扫台斑。

（二）过江南寓何氏宗祠

地远人难集，心宽路易行。更残天欲曙，时有读书声。

向霞山湖源山一首


（民国三十年日寇侵湖南）

名山登览路难行，风雨重阳满楚城。
红树高秋寻古寺，白云深处听钟声。
万方多难怀前哲，几度挥戈欲请缨。
寄语游人休笑傲，醉中须做不平鸣。

向恪行宗亲系湖南省湘江书画学院党委书记、院长



向冬华宗亲系新三湘农资有限公司董事长



向社会宗亲系汨罗市国税局干部



宗亲向燕来夫人吴细清题词

